

水利略四

略二之四

山西通志第六十九

賜進士出身頭品頂戴兵部侍郎兼都察院右副都御史巡撫山西提督軍務臣張爾琿  
旨監修

遼州 沁州 平定州 忻州 代州 保德州 解州

絳州 隰州 霍州

和順縣

玉津泉在縣東溉近城田

舊通志水井溝在東北三里卽古玉津泉也源雖涓細亦資灌溉

榆社縣

東匯泉藍玉泉並在縣東舊資灌溉

舊通志東匯泉在東五里水甚盛舊有太谷民佃種治

山西通志卷六十九

水利略四

一

爲稻田後廢藍玉泉在東四十里藍玉寺下形頗高可以溉田

右遼州

沁州

小漳水涅水銅鞮水舊並溉田湛泉溉近城蔬圃

舊通志湛泉在州西半里旁多園林周圍數泉環繞圃人利之

崔銑沁州水田記歲丙申御史趙子下知州王良輔襄事導漳泉自柯山南至於張仙祠溝斷之橫木乘溝空其中引水又南至於交口灌田四千畝導甲水自溪亭東南至石陀遂鑿石渠至甲里灌田三千六百畝導清源自赤山灌田三千畝蓋達於官郵圍水環流往沁止

播菽穀新田皆種杭畝收二鍾有奇甲水即渾水清源  
河隄小漳隄在北城外

劉光蔚石隄記城西北隅沁水南來日夜噴其下舊有  
石隄捍蔽歲久衝激程侯築石隄長六十二丈高一丈  
二尺案沁水不經州境所

沁源縣

沁河渠溉沿河諸村田十八頃

舊通志沁河渠發源河底村距縣一百二十里諸村設

渠水散渠中上下引溉龍頭渠溉地四畝閻寨渠溉地三畝

王勇渠溉地四畝小章渠溉地二畝羅家莊渠溉地四畝河西

渠溉地七畝石瀉渠溉地七畝安樂鋪渠溉地三畝紅林渠溉地

五溉地五畝下柳渠溉地六畝長樂渠溉地五畝李家莊渠溉地四畝

山西通志卷六十九

水利略四

有義渠溉地三畝麻卷渠溉地七畝賈家莊渠溉地八畝琴峪

渠溉地三畝侯壁渠溉地四畝官軍鎮渠溉地五畝張壁渠溉地

三溉地三畝白狐窰渠溉地四畝化峪渠溉地四畝交口渠溉地九畝

作平渠溉地一畝秦家莊渠溉地四畝陽城渠溉地七畝石臺

渠溉地四畝琴泉渠溉地三畝小里底渠溉地三畝姚壁渠溉地

二溉地二畝東村渠溉地七畝大道渠溉地五畝行村渠溉地二畝李

元渠溉地三畝下莊渠溉地七畝李成渠溉地三畝中峪渠溉地

四溉地十畝南石渠溉地五畝北石渠溉地九畝霍登渠溉地十畝馮

村渠溉地四畝江莊渠溉地三畝董家莊渠溉地三畝柏子渠

溉地三畝凡渠四十三道溉地一十八頃

武鄉縣

渾水隄在南城外

武鄉縣志石隄在城西南萬曆五年知縣申九錫築長三十餘丈以障河水十七年圯黃元會重修加築護隄七十餘丈最稱鞏固

趙天麒築城隄碑南城一面漳水經流其下而西南隅首當其衝明萬曆間邑侯南皮劉公聯芳築隄百餘丈以護之歲久傾圯過半州守程公憲構事口河水瀑漲載胥及湖城垣何以自立乃命修隄並禁糞廁疏水道無使蟻穴不塞浸成滔天焉案經城西南者滹水也俗名爲滹

右沁州

平定州

澤發水溉州東田四頃有奇沽水溉樂平鄉田一頃有奇嘉水穿渠入州城

平定州志雍正年知州李濂青阿立於娘子關導縣水逢壑駕木遇埵通渠溉田四頃有奇案縣水即澤發水又名娘子泉樂

平鄉靜陽村有稻田百餘畝案村在鄉東南五十里蓋灘田之在沽水側者

舊通志唐李誼妬女祠銘井陘西南太原東北妬神之

泉澹爲黛色跳波噴浪如有可則古往今來源流不忒

輿雲致雨侷造化力今承天山下多水田不減晉溪云

郝天成濟川橋記平定上下兩城一建於西南隅即韓

信故寨一纒於東北原下即宋太祖所築新城去城不

半舍有嘉山山麓有嘉水自西而東經上城之趾注下

城之腹

壽陽縣

壽水溉城南山

舊通志壽水在縣南二里許盛夏山水暴漲河流上下皆赤惟壽水獨清開渠溉田可為民利

孟縣

香水隄在縣南及待賢村

舊通志城西有河隄待賢村兩二十里南當河衝舊有石隄

右平定州

忻州

牧馬河渠漑州南及迤東田四百餘頃

忻州志牧馬河經白石村州西南三十里豆羅村二十西至家

莊十里木芝村五里王家莊二里少北抱城如曲肘然又東北

岸經傅家莊距城二里故郡村五里段家莊十里北湖村二十南

山西通志卷六十九

水利略四

四

岸經石家莊距城二里曹村里十南湖村里二十令歸村五十共

渠三十六道紫巖渠蕭村渠鴉樹渠王名渠石莊渠看

鶴渠南渠東渠西渠小西渠案王名看鶴皆非村名其

村楊莊渠義井渠莊兒渠長畦渠東渠小西渠樓村渠

西渠南渠小西渠東渠王府渠西渠中渠太延渠南關

渠上渠中渠下渠曲莊渠白石渠野場渠郝村渠南渠

段莊渠魏家渠引水漑地四百四十三頃有奇其牧馬

雲中二水晉引者有東十里侯渠案此三十七渠並見

渠道其時牧馬河所經之村據舊通志山白石村折東

莊南義井北湖村傅家莊西樓村故郡村安邑村曹村

共二十三村與今河道多不同舊志三十五渠南關

渠王家莊渠曲家莊渠道楊駟渠樊家野湯渠故郡渠

道二石家莊渠道二楊家莊渠曹村渠道二義井渠道二南蕭村  
渠北蕭村渠東樓村渠道二西樓村渠道二真檀渠令歸渠  
道二北胡渠道四南胡渠道二郝村渠安義渠韓巖渠紫巖渠  
雙堡渠案此三十五渠為康熙以前古渠亦見舊通志  
考不能別其孰存孰廢以意測之似  
所謂舊渠者與今河道尚略符也

其泉水資溉者鵠索河海滿泉前山泉並在州西舊溉田二  
十餘頃

舊通志鵠索河在合索村南二里溉田六頃州西三海  
滿泉源出嘉禾村溉稻田十餘頃州西四前山泉在南  
營屯溉稻田十頃有奇州西六十里案忻州新志此  
由知

舊渠滹沱河三渠雲中河十三渠並在州北今存故瀆渾水

山西通志卷六十九

水利略四

渠在州西今涸

忻州志滹沱河入州境忻口鎮東經高城村伏虎莊王

會村寺家莊白村舊設渠三道王府渠新渠金山渠溉

地二十七頃有奇舊通志河水經白村高雲中河見由

雲內口入崞縣案河道舊由金山南東流入牧馬河今

故道與舊通志亦舊渠十三道索家前渠索家後渠野

場渠解原渠小河渠沙窰渠棗澗渠西渠官渠河管渠

部落渠北趙渠泡池渠舊通志同案此為舊志三十二

渠二十里鋪渠道二郭村渠泡池渠西播明渠呂令渠曹

張渠解原渠奇村渠北太平渠白村渠部落渠道二楊村

渠代郡渠高池渠北新莊渠吳家莊渠淤泥渠平張渠

智村渠解村渠尹村渠六石渠盧家野場渠遂莊渠北

趙樂檀村渠案此為康熙以前古渠亦見舊通志

舊通志渾水泉昔資灌溉今涸在州西十五里流江村

謹案渾沱雲中牧馬皆州中巨川也舊通志列五十

二渠今雲中別徙渾沱雖行故道而亦衝決潰溢不

常歸壑惟牧馬一水資溉猶昔而以今河道核之與

所列三十七渠必不能一一如故州志云共渠一百

志載九十六道如州楊維嶽又闢三十五道其除十

六渠係官開事隔久遠弗能深考又云實止八

十餘道蓋並三河也至其溉地之法有接鍬使水者有

之廢渠亦計入也分工使水者皆渠長司之以次輪灌無得爭越立法

非不公允也然水程之分例有定而河道之遷徙無

常開渠構訟之案無歲或無州志以愚民往往執志

乘所載某渠向經某村疏舊鑿新致興訟端遂於水

利一門悉仍前志不復詳究因噎廢食可為長慨光

緒戊寅有御史奏請於忻口以東開鑿渾沱舊渠以

工代賑議格不行蓋阻撓者不徒一二豪民已也

### 定襄縣

牧馬河七渠溉縣南十村田

定襄縣志智村南渠起忻州北霍村南引水入村西智

村西渠起村西南入村東智村新渠起村西南入村西

北明萬曆四十一年知縣王立愛開在縣西稍南西邢村

渠起智村東經西邢入張趙村在智村東張村渠起西邢

村西經張村至董村縣南十里待陽村渠起張村西北經董

村至南西鄴村明天啟四年開縣東南五里以上董

村渠起智村南經村東復合於河縣南十里德勝渠鐔村新

渠也起村西南古河溝引經村東西折北入河以上二渠見定

襄補志諸渠惟鐔村渠在河南餘並河北

舊通志瀕河民田胥設渠長立埂堰由上及下公分使水而因借列一區者又以探闔定時刻焉無容爭越

其泉水資溉者縣南有三會泉六渠溉八村田

定襄縣志鐔村渠起呂布池合流北至李家莊分四小

渠縣南二十里呂布池在南邢村渠起小霍池經南中霍村三會水之一源也

王南邢待陽諸村入牧馬河縣東南二十里中霍渠引溉中霍

村小霍渠引溉小霍村並縣南二里官莊渠起呂布池經

官莊水例五分有碑記中霍北五里並見舊通志以上達渠小霍

村新渠也起洪福寺後引泉水環村稻田多賴焉同治

三年初浚見補志

山西通志卷六十九

水利略四

知縣吳會障官莊渠碑呂布池在小霍村中官莊離渠七里二村各用五分築堦為界各由渠路使水無得中

途決口截流如馬跑柳鉢東凹諸泉亦隨池界為界

舊渠滹沱河有滹水通利二渠其續開者北岸有北受羅南

受羅馬房北莊南莊黃嘴林水邱村八渠南岸有藍臺南關

西關北關南北關北神山王進崔家趙家衛村南衛村北許

村南作十二渠今存故瀆牧馬河有古城渠今廢

舊通志滹水渠起湯頭村東遶橫山村經建安合河元

好問有記久廢康熙二十一年知縣趙繼普復開起忻

口蝦蟆石經灰嶺因家莊白村十五里入縣境溉上下

湯頭等八村田有碑記今廢光緒三年議開不果通利渠由縣北過

砂村至芳蘭村深闊各一丈初開於宋久湮元至正五

年復濬張惟善記後廢方蘭縣東五里河南岸北受羅渠起忻州

白村經上下湯頭北受羅千家莊至迴鳳西沙坡南受

羅渠起下湯頭入南受羅村受羅當作受祿在縣北二

受祿鎮人王剛創開普濟渠灌田數十頃鎮人為房營

世食其利至今感曰此鐵漢王老人之遺澤也渠起下湯頭入馬房營北莊渠起馬房營北經

南受羅入北莊南莊渠起馬房營南經南受羅北莊南

莊諸村至西東作二村黃嘴村渠起代郡經南莊黃嘴

至高村北莊南莊黃嘴並縣西北二十里黃嘴渠與下

渠也濬沱自代呼過忻口入縣林木村渠起高村西南

境隔越重山不能引水自州也經莊頭至林木村合泉水溉稻田縣北三邱村渠起高

村西南經莊頭校尉營入邱村灣以上並在藍臺村渠

起代郡經西營村入藍臺西營村舊在藍臺北因南關

山西通志卷六十九

水利略四

渠起代郡北經西營西河頭諸村入南關西關渠起代

郡南經羊房村入西關北關南渠起羊房村西經古城

又入北關北關北渠與南渠並列傍大河東行至石牌

灣縣志趙村人吳燦乾隆中浚北關渠十餘里通神

村渠起莊頭村經北關王進村師家灣入神山即通利

渠之故源也東北二里王進村渠由縣北至師家灣明晉

府屯地也曩直抵師家灣今裁漑村中而止東十里崔家

莊渠起莊頭經北關入崔家莊後淤萬歷四十一年知

縣王立愛復開濬有碑記東北十里趙家營渠起崔家莊入

村東北三衛村南渠起崔家莊經鎮安村南神山村北

至南作村合牧馬河東北三衛村北渠與南渠並行由

鎮安村歷衛村至管家營草册不載北渠蓋衛村許村

渠起鎮安村經嘴子馬成諸村至劉念村

東北三十五里

南作

村渠起衛村西北經管家營入南作村萬曆四十一年

知縣王立愛開

以上並在滹沱南

案滹沱河經縣境

渠道易於淤塞舊志所列二十一渠定襄新志皆不言及無由知其興廢也姑與忻州三渠並入舊渠統俟覆核

牧水渠元至元八年開由智村南引水入古城由西

鄗村合牧馬河明洪武二十七年忠義坊副使高茂率族再濬後廢

金元好問滹水渠堰記州倅定襄李侯于成曰宋爾朱氏欲從忻口分支流爲渠自沮而罷大定戊子信武喬公號稱十萬復以渠爲事開及向陽里農民以盜水致訟役夫散歸至以水田爲諱僕經始於壬寅之八月起湯頭嶺西之白村上下逾六十里經建安口乃合流又

明年之三月張樂以落之又日出東門一舍少折而南由三霍而東儘南邢之西其間無井邑無聚落無邱壠特沮洳之灤而已若能引牧馬之水以合三會於蒙山之麓平湖渺然多倍晉溪之十惜無大農尺一之版使扁舟落吾手中耳

元張惟善修通利渠記河東冀甯之九原古襄五仙之砂里爰自宋金里西舊有通利渠既湮沒矣中統至元初里人州將樊侯率本里同利之人選才者甲之尋故迹自縣城北決引滹水注東北經神山東南起土築堰橫截牧馬河流灌溉本里及鄰境農田是後洪水侵噬渠道阻隔土益淤水益縮至正壬午中侯愿惻然選砂里幹人前務副武從隆爲之長復通故迹相舊堰東將

里西地形高阜跨石岡創開巨渠一節深以丈底廣如  
之面廣加底廣之倍上疏其源下濬其流並如深廣之  
度接連村落首尾五十餘里支渠小堰經緯分明溉民  
田無慮若干萬畝

神山渠碑通利古渠自滹沱河取水而師家灣小王村  
地畝胥藉灌溉春秋澆濬設立渠長

### 靜樂縣

#### 礮河隄在東城外

舊通志礮河隄明初知縣楊大德因金元舊址起塹袤  
百丈有奇捍水不侵民廬民德之後河漲隄圯正德初  
知縣朱麟增築又建礮河橋於其尾十二年河漲決隄  
梁暨南郭外水磨後知縣王鑑修復嘉靖三十二年河

### 山西通志卷六十九

#### 水利略四

#### 十

大漲衝南郭民廬三百所古隄蹤迹至是蕩盡矣隆慶  
萬厯間屢修屢決萬厯二十六年知縣楊登利用石發  
砌於舊址東北抵石山麓起隄下西南袤九十七丈有  
奇高六尺底廣一丈有五尺頂廣一丈三尺入地下石  
條凡三層層厚一尺博一尺五七寸有差乃通水東南  
下離城可二射許而郭門外又築小隄二十丈有奇以  
防不虞壬子河大漲衝石壘二十丈知縣程希堯補之  
國朝康熙十五年典史辛日杰修舊隄隄畔栽柳成林三  
十二年三十九年礮水再衝隄胥緣舊塹修築焉

#### 右忻州

### 代州

滹沱河渠溉州東十二村田

滹沱河自州東五十里入境南岸引溉聶營東王西王園  
子村地北岸引溉西留屬棗林堡下門王洪水南家寨賈  
村韓曲平城諸村地案各村皆河難開畦引  
灌地皆崎零渠非一所

東峩河渠漑州東南四村田

東峩河自州東南五十里峩峪口入境分渠導水由東而  
西漑峩口下社傳村南留屬村地

峪口渠漑州南十村田

舊志鳳遊峪水也在州南偏東五十里漑王家會岡上峪  
口上沙窰下沙窰甲村選仁下莊金盤上曲諸村地

西峩河渠漑州西南中解口諸村田

舊通志中解河也在州西南十里源出紫荆山唐茹僕射  
昇始穿渠漑田今漑中解諸村地案中解諸村毗連數里  
有韓家街劉家街王家

山西通志卷六十九

水利略四

十一

街翟家街金家街馮家街  
楊家街堡子街西街諸社

其別泉資漑者州東有聶營泉西有羊頭神水

代州志明成化間州人孫鳳視聶營地知下有泉教居  
人疏鑿漑田近萬畝黑龍池在城西北二十里即羊頭  
神河之

源嘉慶十七年知州孫樹 開拓之流灌陽明堡各村

田約數千頃

城中穿渠者為玉帶水

代州志知州孫樹新於東城隅濬得甘泉二穴開渠五  
百八十丈自東至西形如環帶其水出郭西南隅灌田

數百畝

舊志魏黃初中雁門太守牽招開渠注水城內案雁門  
郡時治

廣武在州西十  
五里古城村

河隄雁門水隄在北關外

代州志東關河發源雁門山緣城東南入滹沱明時水漲幾及城兵備張濬潘倣築隄遏其衝

五臺縣

清水河上峪渠溉縣東北五村田下峪渠溉縣東南四村田東峪渠流合清水溉縣東三村田

舊通志之臺山河也源出北臺行二百餘里入滹沱上峪開渠灌田者為松巖口上耿家莊河西河北高洪口惟松巖口地闊而腴甲乎諸村下游曾慮鹿鹿陽兩河之水流入下峪開渠灌田者為獨孤店下耿家莊教場村羅家莊上下峪一河也舊通志獨名為慮鹿河非也東峪河經下峪之移城村孫家莊百蘭村引水灌田沿河諸村皆淤田也渠非一所興廢無常

山西通志卷六十九

水利略四

泉巖河渠溉縣南十一村田

舊通志之小營河也金河東北路轉運勾判李華開渠引灌明知縣李承祖為均水程為臺境水利之大者舊名豐

樂渠溉郭家寨南北大溪村槐陰村小營屯東冶鎮五級村永安村永新村新村石村前後堡地六十頃各設支渠

水程十三日一周五臺新志大渠之南舊尚有東西畛若蓋明入河灘者近年人頗疏濬然水大漲則盡沒於河五級村東南舊皆旱田近年高岸成窪可以灌溉又云泉巖小營河發源之地大小泉以數百計而前歷合成渠居人就地作畦種稻甚茂

明智幾先均平水道碑記五臺晉僻邑也滹沱為帶環繞西南奔湧浩瀚地高而水下殊無補於灌漑北有泉

巖河出郭家寨大溪沛流於槐陰東冶等村頗大便利邑侯李公自陝右來守是邑量地之多寡分水之日期

自下而上周而復始郭家寨地三頃水一日大溪地八頃水二日半槐陰地十七頃水三日半東冶等地三十二頃水六日一分派而三都稱便矣縣志槐陰村水地溪小營屯地畝應分水碑末及後各村屢以分水互爭上控嘉慶二十年經太原守葉審帶令南大溪與小營屯使水一晝夜退歸槐陰村按灌二日半令之共三日半

其別泉資漑者縣東北有龍灣泉西南有磨山泉東西二潭五臺新志龍灣泉種稻極佳然田不定頃其水南流成河醬房東峽西峽三村可以漑田泉在縣東北四十餘里流入虢陽河山泉舊灌槐陰及東冶以東各村田築壩在泉巖河大壩之南每歲截河而築頗費人工近年東岸之渠漸廢惟槐陰尚用此水在縣西南三十五里東西兩潭在滹沱南岸舊日西起潭上東至張家莊彌望青蔥皆稻田也乾隆五

山西通志卷六十九

水利略四

十二年滹沱漲發稻田悉被沙壓數不及從前十之二

三 崞縣

滹沱河架漑縣東南八村田

滹沱自縣東北三十里入境經縣城東又南十餘里至上封村始開渠河灘分畦種稻有上封渠大莫張家渠亭子頭渠峙峪渠營裏渠雙嶺渠二村並引本地泉水庫狄渠桃園渠

陽武河渠漑縣西南二十一村田

陽武河官渠起陽武峪口使水以三十日半為一周自上而下依次輪灌河南岸為上下陽武村水程二日半施家野莊

水程二日大牛堡及東頭村水程一日入蓋上默都水程一日下默都水程一日陳家野莊水程一日沙池水程一日寺街水程一日半魏家莊及南大林

水程一日大牛店水程二日九釐神山水程一日上下三吉水程一日半上薛孤  
水程一日下薛孤水程六釐趙家野莊水程一日石封水程一日北岸上下申  
村水程二日上大林水程一日半下大林水程二日賈陀水程一日西會村  
別一渠使  
漏堰餘水

其別泉資溉者有銅河源渠大蒲灣渠並在縣東

崞縣志溫家東社渠引福壽山下泉水灌左右村麻地  
在縣東南九十里大蒲灣渠引白村泉水溉稻田即北  
陽銅川河源也橋水也出縣西北經城北流田  
東入滹陀志有白家灣即白村

舊渠縣南有沙河渠東有蘇龍口渠

崞縣志雲中河俗名沙河出忻州至縣南板市村入滹  
沱溉南北懷化等村案沙河乃忻蘇龍口河出白石村  
諸山灌蘇龍口孫章題村等村

繁峙縣

滹沱河渠溉縣東西十一村田

滹沱河自源西行三十五里泱又二十餘里復出於縣東  
三十里之富家莊其開渠引溉者北岸有永興大溝子下  
茹越福連坊作頭聖水六村聖水村在南岸有富家莊華  
嚴梁家村鐵家會古計莊五村古計在縣並築堰疏水分  
畦植稻惟河身遷徙不常諸村渠道崎零不能計其頃畝  
也

峩河渠溉縣西七村田

峩河出縣西南二十里代州之峩口開渠與代州分水溉  
縣屬之佛光莊上下高陵上下木角興盛沙村地畝水程  
自南而北以次輪灌

繁峙縣志峩口東南屬繁西岸屬代州前明互爭水利  
布政司臧監司李以水源來自繁峙判令均分萬曆二  
十五年始分定立石村口至今遵守

南峪口渠溉縣東南三村田

水出五臺之華嚴嶺名華嚴水至縣東南七十里出峪溉  
峪口及東山底三會村地下流北入滹沱

冶河渠溉縣東北四村田

水出北樓關南谷至縣東北六十里冶口出山溉孫家莊  
義興寨下匯村及冶口地

右代州

保德州

黃河灘田資溉者州東有郭家灘

山西通志卷六十九

水利略四

十五

保德州志郭家灘州東十里溝中水可溉田百畝有奇  
明萬曆間河水衝決遂失利後知州胡柎查灘未盡沒  
乃修堰引溉焉

舊通志保德諸灘舊皆引河水或汲井泉澆溉菜果茂  
盛自明季河變以後遂成巨浸舊志西溝在西城下源  
出峰子嶺由下圍河入黃河舊溝畔灌溉畦園今衝沒

石梯灘東北二十里舊灌溉稻田今衝沒明萬曆戊戌

地百餘丈東西灘畦並沒  
沿河漂沒村墮三十有回

河曲縣

山溝水資溉者有鎮口河葬溝井峪溝龍門溝並在縣南

舊通志鎮河溝在縣西北四十五里今縣東南四十五

葬溝在東一里井峪溝在南一里龍門溝在西一里均

資灌溉並在舊縣城外

右保德州

解州

靜林澗水溉州西南傍山田

解州志源出中條山頂北流經靜林寺東寺僧及左右居民傍山半引水溉田引水之法以時刻計名一分水自司空表聖定王官引水法後世因之北流經紅臉溝入虞鄉洳水灘澗西距王官谷二十里

舊渠通濟渠自州南入城溉圃今存故瀆

解州志渠在州城南引噴雪巖水即五龍峪距城四里下流為大水澗入城明宏治九年知州李溥重濬萬曆十六年蒲人修堰壅水道水不入城二十五年知州賈化醇申請鹽院復

山西通志卷六十九

水利略四

十一

舊民甚便之今淤塞志云大水澗會小水澗入女鹽池水勢甚巨築五龍堰以防之其自

河隄姚暹渠隄經州北州西有底張堰青龍堰硝池堰南有

五龍堰北有黃平堰永安堰七郎堰東有卓刀堰長樂堰金

盆堰蠶房堰常平堰西姚堰常家月堰趙家灣堰賀家灣堰

短堰龍王堰桑園堰

舊通志解州雖有溝渠壩堰皆擁護鹽池民田不能灌

溉諸渠堰坐落並詳鹽池下茲存其名

安邑縣

青石泉溉縣東南傍山田

舊通志青石泉縣東南三十里出中條山溉田數頃縣志

水由青石槽經東郭入黑龍潭

其穿渠入城者爲姚暹渠今廢

安邑縣志姚暹渠舊經縣城內明隆慶四年改由城北河隄涑水隄姚暹渠隄經縣北縣南有黑龍堰壁水堰東禁堰雷鳴堰小李堰大李堰七里堰東有新堰沈家堰申家堰白家堰魁尾堰小堰備水月堰河北小月堰河南小月堰舊通志安邑姚暹渠所以防護鹽池嚴禁盜決私開民田無由資利涑水春夏乾涸雨水漲發岸高河深直瀉而西亦難資灌溉民間皆未設壩諸堰並詳鹽池

夏縣

吳村渠溉縣東南二村田

夏縣志南北吳村縣東南二十里水利有二一發源中條山一發源於柳谷灌地七頃有奇二十一日一周

山西通志卷六十九

水利略四

七

史家峪渠溉縣二村田

縣志亦發源中條山由史家峽西流至史家堡溉田十餘頃上下輪灌一月一周

其別泉資溉者縣北有龍王水伯廟水南有惠泉水北有晁家水城內有蓮花池

縣志龍王河在縣北大澤村南至周村灘入青龍河附近田園引以灌溉伯廟河發源方山經郭道村苗村引以灌田惠泉在五里橋南舊爲澤浸官道乾隆壬午知縣李遵唐導從官道東南流開渠灌田晁家水出巫咸谷引以灌田蓮花池一在城內西北隅一在東北隅皆源泉也舊於城下置鐵柵以洩水今改埽洞自西門北穿城出附近田園資以灌溉